

Obzirom da ste upit poslali 07. januara u 10.50, na e mail Instituta [info@inz.ba](mailto:info@inz.ba) želimo Vas podsjetiti da se upiti poslani na instituciju tretiraju po Zakonu o slobodi pristupa informacijama, te da je u tom slučaju zakonski rok za odgovaranje na upit 15 dana.

Umjesto toga, na našoj web stranici u skladu sa Zakonom na linku <https://inz.ba/press-kutak/> naveden je odjeljak Kontakt za medije, gdje su jasno navedene procedure i postupci kako se šalju upiti medijskih kuća i novinara, što kolege iz vaše medijske kuće koriste već osam godina.

I pored toga, Vi ste u Dnevniku RTV Zenica "Zenicainfo" istog dana, dakle 07. 01. u sedmoj minuti informativne emisije, (link <https://www.youtube.com/watch?v=hCrclhLocF4> ) a dan kasnije i na web portalu iste kuće (link <https://zenicainfo.ba/2025/01/08/ko-i-zasto-u-zdk-krije-svoje-mjesecne-place-i-naknade/> ), objavili članak koji sadrži neutemeljene, neprovjerene i na kraju - netačne informacije. Praksa novinara koje zanima istina, ukoliko su u velikoj žurbi, da kontaktiraju telefonski institucije i press službenike i koriste proceduru koju stotine kolega i više od 500 medija u BiH i regionu koristi za kontakt sa INZ.

Ovo nas čudi obzirom da Institut ima višegodišnju i uspješnu saradnju sa medijskom kućom u ime koje ste se javile. Sve Vaše kolege koriste već osam godina instituciju press kontakta, brojeve telefona i e mail naveden za medijske kuće i novinare i odgovore dobijaju u najkraćem mogućem roku, uglavnom istog radnog dana, a ako se radi o složenijim podacima, u narednih 24-48 sati.

U nadi da se radi o izolovanom slučaju pogrešne procedure medijskog kontaktiranja javne institucije, očekujemo da prema obavezama koje nalaže Regulatorna agencija za komunikacije (RAK) za elektronske medije i vijeće za štampu BiH (VZS) za portale, kao i nadležni zakoni u vezi sa objavom netačnih informacija, objavite ovaj demant u potpunosti kako je i upućen kako u prvoj narednoj informativnoj emisiji Zenicainfo na RTV Zenica, tako i u cijelosti na portalu Zenicainfo.ba.

Institut za zdravlje i sigurnost hrane Zenica kao i proteklih godina transparentno i u skladu sa zakonima stoji na raspolaganju svim građanima i predstavnicima medija u cilju dobivanja istinitih potpunih i tačnih informacija, a s ciljem sprečavanja zloupotreba i dezinformacija.

INZ

S poštovanjem,